



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Brevis Synopsis Vitæ, Ac Virtvtvm P. Antonii Ivlii Brignole
E Societate Iesv**

Visconti, Giovanni Maria

Antverpiæ, 1671

Cap. X. Mortificatio Paßionum animi in P. Antonio Iulio.

urn:nbn:de:hbz:466:1-43372

mini Dei nostri, mihi hoc tribuere digne-
tur. Hæ erant impressiones & cogita-
tiones humillimi illius cordis, in qui-
bus ultra notitias, quas dedit suæ ex-
cellentiæ naturalis, tanto securioris,
quanto magis comparatæ ad se humi-
liandum, manifestarunt se tantæ vir-
tutes, quantas poterit observare Reli-
giosus Lector, cupidus proficiendi.

C A P V T X.

*Mortificatio passionum in animo P. An-
tonii Iulii.*

Mortificationi hæroicæ passionis
tam superbæ, possumus Socias
addere, quasi in comitatum triumphi,
alias passiones animi, quæ fuerunt ab
illo tam alacriter coërcitæ & refræna-
tæ, ut cum ne quidem parvi motus
fuerunt ei familiares, non potuerit
deprehendi quo firmo animi decreto
dominium eorum sibi comparasset.
Sufficient tamen pauca judicia in ar-
gumentum victoriæ tam generosè ob-
tentæ. In eorum seriem accenseri po-
test

test illud desiderium supra relatum,
vivendi in aliquo Collegio obscurō,
non solum humilationis gratiā , sed
etiam cum accessione Superioris , qui
eum assiduè exercebat, in abnegatio-
ne propriæ voluntatis. Tale fuit po-
stulatio , ut posset se tamquam vile
mendicabulum ostendere in porticu
Albari , & vanitatem sæculi explode-
re , mortificando se in ipsa mortifica-
tione amicorum , & propinquorum.
Tale item constantia in gestando habi-
tu vili , cum esset Sacerdos sæcularis,
in conspectu totius civitatis cum sensu
suum consanguineorum , inter quos
ut fuerint multi pietate præstantes;
tamen cum necdum pervenissent ad
eam Philosophiam , quæ latet sub hoc
pallio , habebant se pro dehonoratis &
læsis : sed alia sunt præterea quæ non
sunt adhuc commemorata , recorda-
tione tamen & imitatione digna. Sunt
autem hæc : Eo tempore , quo Orato-
ris munere fungebatur in aula Hispa-
nica , & meditaretur redditum cum tota
sua familia , fuit per mortem ereptus
filiolus , qui illi erat longè carissimus,

& de quo scribens ad Dominam suam Matrem dicit : profecto tam inopinamors & jactura , pupugit mea viscera , quia puel-
lus elegantior , & indolis placidioris , non
poterat vel imaginatione alicujus concipi
& fabricari : dein recensitis qualitati-
bus ejus bonis , robore & valetudine ,
quæ præferebat , statim prodidit , quam
Christiane viderit eum , spatio non am-
plius quatridui , quadam specie epilep-
siæ exspirantem , dicens : Et tamen
quando fingebamus nobis spem affulgere pe-
riculi cessantis ; subito extinctus est . Pa-
tientia . Dominus dedit , Dominus abstulit ,
sit nomen Domini benedictum ! meliorem
sibi sortem securam reddidit , & migravit ,
ut æternum beatitudine gaudeat ; cuius si-
dem certam habemus : proinde dignus est
invidia , non lacrymis . Altamen qui cor
habet Patris & oculos ad cernendum , sibi
eripi pusionem & infantem tam amabilem
totum venustum , & mansuetum , & totum
bellum qui sortitus erat animam pro rursus
bonam ; non potuit non esse lacrymabundum
etiam illud gaudium , quod sit beatus . Ca-
terum orabit pro nobis , intercedet pro no-
bis . Deo gratias agamus . Ita noverat suo
tem-

tempore concordes reddere affectus Patris, & Christiani. Aliquanto post, cum esset Sacerdos sacerdotalis, mortua est sibi senior filia, non ita pridem marito juncta. Indicium sensus hoc solum edidit, quod receperit se ad Noviciatum nostrum foris Genuam, ubi sequenti manè, plus quam per horæ spatium discurrit quidem cum uno è Nostris de rebus bonis, & salutaribus, sed ne verbo quidem illato de tali morte, nec minimo perturbationis signo dato: adeoque qui non percipisset aliundè casum, ne tum quidem recordatus fuisset; nisi quando Pater, qui recenter fuerat Sacerdotio decoratus, se paravit ad cebrandum, & rogavit eus opem, ut quæreret in Missali Sacrum pro defunctis, quod intendebat pro eâ facere: per cuius mortem, quanto minus commoveret se, ad sensus doloris inutiles eliciendos, sicut & ceteri qui spem non habent, tanto magis resuscitati sunt sensus illius tristitiae, quæ in salutem stabilem operatur. Etenim illo ipso mane dedit in refectorio communi quædam signa hu-

militatis, & pœnitentiæ; de quibus dictum jam est superius. Argumenta animi altè, & Sanctè in Deo fixi. Neque minus ponderanda est fortitudo, quâ, licet jam Religiosus, accepit obitum Domini Iacobi Philippi Durazzo cognati sui, quem singulari amore complectebatur, tenero simul ac fortis utpote qui fundatus erat, non solum in communione sanguinis, verum longè amplius in soliditate virtutum, quæ illi præsto erant in supremo gradu, & exercebantur moribus gratiosis & benevolentia plenis; quod ei etiam conciliabat gratiam apud non conjunctos, & reddebat supra modum spectabilem inter Nobiles; utpotè qui tum honoribus civilibus, & auctoritate privata in sua patria emineret. Cum ita nobilitate, atque una præfulgeret ornamenti virtutis, finivit optimam vitam morte, quam fecit pretiosam coram Domino, fortitudine animi, pietatis affectibus, & crebris actibus virtutum Christianarum. Quod cum relatum esset P. Antonio Julio, qui tum temporis versabatur Senis apud Dominam suam sororem,

rem, viduam defuncti : dedit ad illam
Epistolam spirantem quid Sanctitatis,
in quâ, uti non patefecit minimum in-
firmitatis humanæ indicium , eo quod
perdidisset propinquum tam arctè sibi
devinctum, & amicum tantopere addi-
ctum illi , & toti Societati ; ita attulit
sorori consolationem planè robustam,
desumptam ex certa fiducia bonorum
æternorum ; & nixam spe certâ , quam
conceperat de salute animæ ejus, quod
gauderet remuneratione , qua bono-
rum suorum operum aliàs patratorum,
qua cruciatuum in morbo & morte
constantissimè toleratorum. Vndè con-
cludit : *quod me attinet nullus dubito ;*
quin ipse ut summum, ut summum inquam
tantum transferit , quasi per ignem , &
modo dicat : O beatæ & felices afflictiones,
quaæ paucorum dierum levissimis pænis , me
redemerunt ab illis , quarum singulæ horæ
superant annos integros , quibus aliquis de-
cumberet in lecto , omnibus Iobi miseriis ,
& morbis oppressus ! Eia ergo soror aman-
tissima , noli angi corde circa retransactas :
sed esto secura , quod Deus usque ad extre-
mum halitum Marito tuo astiterit , & cu-

Q 4 sto-

studierit paterno suo, & amabili, & libe-
rali modo agendi, quo solet divina misera-
ricordia uti erga suos, quos magis diligit.
Certè quasi manibus palpandum dedit quam
luculentè noverit præmiari eos in morte,
qui dum viverent, illi bene servierunt.
Hæc erant sensa, quæ in morte caro-
rum vivebant in corde P. Antonii Iulii
mortui omnibus aliis. Nec enim solum
mortuus erat suis consanguineis extin-
ctis, sed insuper etiam vivis. Invitatus
aliquoties ad domum vel prandium à
dicta Domina sua Germana, ubi, ob
conspirationem animorum quæ erat
inter illos, poterat esse securus, tra-
stantum se magis ab eâ ad modum
Magdalenæ, quam Marthæ. His non
obstantibus quantumcumque rogare-
tur, & licet in ejus domo sæpè versa-
retur. Dominus Franciscus filius suus
secundo genitus sibi perdilectus; num-
quam induci potuit, ut iret, nisi for-
tasse unis vicibus, ut suis Superioribus
obsequeretur; & tum tam frigidè se
gessit, & animo tam distracto, & aliis
cogitationibus occupato, quasi esset
à se dissipatus, & ut volebat S. Anto-
nius,

nius, esset Monachus extra cellam, vi-
dereturque piscis extra aquam. Quin
imo quando ille, & illa degebant Me-
diolani ; quantumvis dicta Matrona vi-
deret alio se non gaudere solatio, quam
ex ejus conversatione spirituali ; aut
aliquorum ex suis filiis Religiosis ; ita
tamen erat ab illâ abstractus ; ut subin-
dè alia de causa egressus domo , si quæ-
reretur à socio , an non vellet eâ occa-
sione uti ad invisendam sororem? re-
ponderet : non certè : quia esset perde-
re tempus. Cum esset missus Genuam,
ac ibi multis mensibus subsisteret,
numquam accedebat ædes suorum
consanguineorum, aut propinquorum
ad eos invilendos, nisi ob aliquod offi-
cium misericordiæ & Charitatis ; cu-
jus instinctu multo tempore de indu-
stria astitit sedulo Dominæ Matri suæ
in morbo & morte ; nec voluit interea
immiscere se negotiis ullis familiæ,
prout fecisset alibi : sed solummodo
impedit se saluti & devotioni illius
animæ , quæ istis pietatis obsequiis
consolatiſſima ex hac mortali Vita mi-
gravit ad immortalem. Cæterum ex

humanitate, quamvis intra terminos Religiosis non dissentaneos, non ibat quemquam visitatum, dicens habere se rationes, quare sibi magis, quam cūilibet alteri, maximè Genuæ conveniret ab omni simili urbanitate abstinerere: unde per æstatem concionanti in templo nostro quod habemus Albari, cum insinuatum esset à Superiore moris esse, & consultum Ecclesiastæ, visere personas eminentiores, nobis magis addictas & devotas: ne obedientiæ se subduceret, paruit: aliquot eorum cum ipsomet Superiore adivit; atque ita se gessit demissè, ut apud illos Dominos non solum benevolos erga Societatem, verum etiam familiariter notos, & veteres amicos, cum quibus paucis ante annis fuerat familiariter conversatus, & nominatim, in domo Marchionis Rodolphi filii sui; manserit vacationi internæ intentus, & abstractus; & tam parcè locutus fuerit, & se ostentaverit, quam faceret minimus Frater Coadiutor in socium assignatus. Fuerunt illi actus mortificationis multo insigniores, quam si vi-

sita.

sitationibus illis abstinuisset, in exemplum profecto Religiosis, multum dignitate illo inferioribus; laudenī mereri, non tantum moderatum esse in visitationibus, verum etiam in usu libertatis, quam existimabat se dedecere. Negotiis & commodis suorum propinquorum, etiam filiorum tantum supercedebat, quantum sibi licitum erat & possibile: multoque magis aliorum, quibus minus erat obstrictus. Hinc factum quod cum versaretur Bononiæ, & ibi curaret nescio quæ, pro quibusdam suis propinquioribus amicis, se ostenderit tam ab illis alienum, ut scripsicerit prudens quidam Religiosus, quod viderentur illi consanguinei sui adinstar istorum, quos sibi olim quidam Sanctus fabricabat, ex nive masculos; & quod cum necessariis suis, & eorum rebus valedixisset, indicium esse videatur morientis in eo tam piæ, & præclaræ ex natura & virtute propensionis, e gentibus beneficiendi; quia cum esset Genuæ, & recurrerent ad illum egeni & calamitosi, quorum multos reliquerat pestis, ut sua intercessione impe-

impetrarent aliquod subsidium ab ejus propinquis, solebat illis magna cum commiseratione, & repugnantia dicere: *Fratres mei, non sum ego jam amplius is Antonius Iulius Brignole, qui fuit; non habeo apud illos auctoritatem. Non sum Dominus bonorum, & facultatum eorum. Tædet me ipsorum. Sed si meo consilio stare velitis, vos ipsi eos accedite. Si pii sint, & justi, vobis succurrent.* Displicebant illi plurimum tales interpellationes, quæ illi occurrebant pro rebus temporalibus vel amicorum, vel aliorum. Eaque de causa, atque ex aliis motivis, quæ aut per se, aut ex sua viva apprehensione, quando Genuæ degebat, vehementer eum affligeabant; aut etiam ex virtutis dictamine, quod nullum posset amplius gustum percipere ex rebus fluxis, quas tam generoso animo aspernatus fuerat, dum mundo nuntium mitteret; tum etiam ut se profus liberaret ab affectu amicorum, & patriæ, valdè invitè ibi morabatur, quod quidem in poenis annumerabat, & ita ei molestum erat, ut scripserit non semel esse se in perpetua inquietudine.

quietudine, quæ illi tollebat attentio-
nem, & sapidam applicationem erga
exercitia spiritus, & surda quasi lima
vires corporis cum sensu aspero attere-
bat. His tamen non obstantibus tam
erat sui Dominus, ut quoties illi injun-
geretur Genuam se conferret, semper
promptissime eo properaret; sive ad
verbi Dei prædicationem, sive ad alia
munia, licet sentiret tantam repug-
nantiam ut diceret se malle profici sci
in Indias Occidentales; & vero serio
cogitabat eas expetere: etiamea prop-
ter, ne posset amplius mitti Genuam,
& se tam magno locorum intervallo
sejungeret, ubi nihil novorum audi-
ret, de illis, quæ tantoperè fastidie-
bat. Sæpe sæpius, ut minimum in
mente versavit cogitationes, ut effica-
citer à Superioribus peteret, si ad glo-
riam Dei esset, permitterent sibi sem-
per degere quam longissimè remotum
à Patria. Scribens ergo ad amicum con-
sili gratia ita ait. Secundum experien-
tiam quam hæleo, nullum aliud superesse
mibi remedium reor quo jucundè vivere
possim: puta: quo longius abero Genua, tan-

to plus latabor. Loquor de latitia quietis sensibilis. Quid jam melius est? an recusare fortem, an perseverare in ista cruce? qua amaritudine afficit spiritum, & non potest non redundare in corpus: ut in me verum fiat illud: spiritus tristis exsiccat ossa: nihilominus sum paratus, & jugo obedientiae actutum collum submitto. Et in alia epistola conjungens simul molestiam & resignationem, ita loquitur. Contigit quod turbatus fuerit animus, ob certa quadam eventa quæ me vexarunt; ex quibus apparet, quod nulla re gaudere valeam quin semper interius affligi me sentiam, nisi sim longè Genuâ remotus. Vsu didici id unicum esse remedium ad quietem; si illi tamen qui me gubernant, arbitrentur non esse consultum, ut illa fruar; persuadebo mihi Dei esse voluntatem, ut illam crucem feram, & humeros illi subdam; non tamen sine gravi sensu. Quia quantumcumque conor per partem Superiorem, voluntatem meam conformare divinæ; non possum equidem cohibere rebellionem partis sensibilis. Sed expeto aliorum precibus adjuvari, quo meæ molestiæ & labores non separent me à Deo, sed magis cum illo

c.on.

conjugant. Ejusmodi erat fortitudo animi in P. Antonio Julio, quam non nemo fortasse parum exercitatus in soliditate virtutis, credet defectum exiguae mortificationis, illam, quem Pater vocabat rebellionem partis sensibilis & turbationem animi. Verum si quis taliter sentiat, recordetur Angeli Sathanæ, qui datus erat Apostolo, & teneritudinis Sanctorum in separacione & morte suorum, quos effictim diligebant: & facile videbit, quod sit discriminus inter apathiam stoicam, & mortificationem Christianam, quæ non tollit sensum, sed negat consensum: quanto enim acrius sensit animus impressionem naturalis displicentiæ, tanto magis heroicam reddit fortitudinem. Non solum in sustinendo sensualitatis impetu, sed etiam in quærendâ ferâ illâ indomitâ, & provocandâ ad certamen. Post illam lentam quidem, sed præclariorum victoriam quam de seipso reportabat P. Antonius Julius, videri poterunt, minoris momenti, nonnullæ breves & actuales, quæ sequutæ sunt. Operæ pretium tamen erit

erit hic producere , quid post castigatum erga consanguineos & filios affectum fecerit , ut eum erga partus ingenii , & opera mentis , in quibus ex antlandis se exhauserat , vel extingueret , vel refrænaret . Dum habitaret in Domo Professâ Mediolanensi , & diceret per Adventum , perierat ingens fascis scriptorum , quæ complurium annorum improbo labore collegerat , pro materia concionum . Obviam factus isthic uni è Nostris dixit , an ignoras infortunium quod mihi supervenit ? cumque animadverteret eum compassione commoveri ; sive ut se corrigeret , sive ut ostenderet se doluisse de re nihili , subiunxit : Cogita utrum debeat me pœnitere , qui quotidie me saepius offero Deo in Sacrificium , & præsto sum pro illo mille mundos , si haberem , perditum ire , si Deo jacturam paucorum scriptorum devoveam ? Et fuit sane mirum , quod de se tantum profetret : sed Deus posuit in ore ejus hæc verba , ut alter actus illos apprehenderet , quibus in se reflectebat . Deus autem contentus

hac

hac resignatione, ita suaviter res dispo-
suit, ut collectanea hæc fuerint brevi
post reperta. Quid jam dicam de in-
numeris aliis ingenii sui fœtibus, quos
composuerat, & impigro studio elabo-
raverat in sæculo, eduxeratque ad
tantam perfectionem, & elegantiam,
ut calamus ejus famæ pennis pervola-
verit ad celeberrimos scriptores Italos?
Antequam Deo se arctius in Religione
consecraret, severum de iis instituit ju-
dicum, & eos, qui prælo editi evase-
rant rigorem suæ justitiæ, neque po-
terat recuperare, omnes exilio multa-
vit & proscriptis, & ut filios adulteri-
nos, & abortivos execratus est, &
publicè per omnia pulpita proclaimari
fecit, pro damnatis. Contra alios, qui il-
li supererant in domo, fulminavit cen-
suram, si essent vel modica vanitate,
& levitate aspersi, ut igne absumeren-
tur. Tantum reservavit pauculos, qui
videbantur illi magistolerabiles, erant-
que, prout ipse met exposuit Patri suo
Spirituali, quem consulebat in omni-
bus; quædam Satyræ morales, & sex
poëmata versus heroici, mixti armis,

R &

& amoribus; sed honestis; nec non quædam soluta oratione, in quibus erat quid Menippæum, & vitia perstringebantur; omnia Italicè conscripta, & hæc ipsa tamen quia erant illi suspecta, rogabat, quid iis esset illi faciendum? Ut autem ordinatus de illis judicari posset, quia prius non distinxerat bene in partes, quid illis fieri conveniret, chartæ commisit in hunc sensum. Distinctionem, quæ circa illa scripta sumi potest, videtur mihi in tres partes dividi posse. Primo ut maneant, & reineantur prout sunt. Id autem nullo modo reor conducibile: eo quod non gesserim me in eis describendis, quæ vanitatem redolerent, ut à peccato excusari possim, saltem veniali: Secundus modus est, ut omnia simul in unum cumulum congesta, Vulcano tradantur, quod esset Sacrificium absolute generosissimum, & Deo gratissimum. Et mihi dictat pars superior faciendum: verum enim vero se opponit natura, nec cogar prorsus destruere, quod mihi non parvo labore stetit: & fortiè minus malum est, inter ea, quæ mea infirmitas committere possit. Quin & incidit mihi dubium, an

non;

non , si ea retineam , poterunt mihi al-
quando venire usui in rem bonam , & sta-
tui meo consentaneam ; unde sensum habe-
rem postliminio me ea concremisse. Tertia
divisionis pars est , aliqua inde posse eximi ,
qua mihi poterunt servire pro lectionibus
Sacris , aut alia functione religiosa , & re-
liqua igni tradere. Hæc cum consignata à
me essent in manus cuiusdam , cui Superior
judicium commiserat. In hoc ipso verebar
inesseretur plurimum amoris proprii , & quod
eo ipso tempore , quo poteram messem in-
ferre in horreum Domini , tum me non im-
penderem rei , quæ ex radice sua esset pror-
sus Sacra & divina. Nullum tamen alte-
rum intuitum admittebam , quam ad debi-
tum , cui ex voto eram obstrictus ; nempe
ut unice respicerem ad hoc , quod judica-
rem ad majorem Dei gloriam , & bonum
meum spirituale esse conducibilius ; quod
cum auxilio Domini accurate exequar , quia
mihi decretum est obsequi Sanctæ ejus vo-
luntati. Pater Spiritualis rescripsit : judico
melius ita Domino non destruere templo
profana , sed convertere in cultum Dei. Huic
rescripto acquievit , & adeo submisit
voluntatem , & intellectum , ut postea

ne cogitaverit quidem de illis abolen-
dis. Atque ita isti scrupuli manserunt
sepulti, usque ad mortem in illius cor-
de, qui eos absterserat. Hæc erat cel-
situdo animi, qua spectabat, imò de-
dignabatur res sibi maxime caras, non
reservans sibi vel unum oculum so-
lum; & perfectius ambos istos duos
animæ devotæ convertens in benepla-
citum Dei solius. Adeoque quemad-
modum dicitur quod *Deus tranquillus,*
tranquillat omnia, sic Dei servus tran-
quillus, ipse, habebat virtutem tran-
quillandi animos, & suam pacem com-
municandi aliis; ostendendo illis,
quam viles & despicabiles sint res illæ,
quæ perturbant, indigna admitti à
magnitudine animi Deo consecrati.
Transibat aliquando Cræmonam, &
offendit quosdam in Collegio, qui in-
ter se dissidere videbantur, sensit ali-
quam perturbationem, quia putabat
inter Religiosos dedecere omnem alie-
nationem animi, tamquam eam, quæ
scintillam periculosam proiicere pos-
set majoris passionis; unde incendium
gravius alimentum sumere posset.

Quam-

Quamobrem, ipsè ex motivo charitatis se interposuit, ut difficultatem conaretur superare, studens ex dictamine virtutis, unam partem alteri conciliare; & vero feliciter. Evenit enim P. Antonio Iulio quod fuerit instar ro-
ris placidi, qui mitigaret omnes pa-
ssiones, dulcibus atque validis argu-
mentis inspirans animis spiritum cha-
ritatis & concordiæ, & desiderium
non perdendi summum illud bono-
rum, ob res nullius pretii, & conten-
tiones frivolas. Confirmavit igitur in
Sancto suo decreto illos, qui parati
erant cedere: atque ita serenitas pacis
restituta est, & exhortatus est ipsos,
quemadmodum olim S. Barnabas, *in proposito cordis permanere in Domino.* At-
qui vim habuit ejus adhortatio ob opi-
nionem, quam conceperant de ejus
probitate. Ut autem adlaboraret sta-
bilitati illius, quam procuraverat tran-
quillitatis; cum deinde pervenisset
Mediolanum, Superiores certiores fe-
cit, quam laudabiliter ex virtute fe-
cissent illi, qui maluissent cedere,
quam contentiosum funem trahere;

R 3 mul-

multum illos deprædicans, quod post-
posuissent sua commoda caritati; Re-
cepit dein ab iis litteras, quibus sibi
congratulabantur, & multum sibi con-
solationis accessisse ex facto illo testa-
bantur. Alia vice quidam Pater qui
ægritudine animi laborabat, proprie-
rea quod alii ab eo requirerent rem,
quam putabat à ratione alienam, & si-
bi in exequitione difficilem; adeoque
non sine lucta superandam. Ivit quæ-
situm P. Antonium Iulium, ut solla-
tium apud eum inveniret, & impetra-
ret opem orationum ejus, in quibus
multum fiduciæ posuerat, narravitque
ei suam afflictionem, ejusque causam.
E vestigio P. Antonius Iulus prorupit
in hæc verba. *O mi Pater multum com-
patior illis secularibus, qui se vident in-
tricatos angustiis, ob adversitates obortas
in sua familia!* quo responso, et si pri-
mo intuitu, desperato, ipsè valde cau-
te, & prudenter tetigit concentum
organi, quod facile possit dissipare
phantasiam Religiosorum ex confide-
ratione, quam sint parvæ eorum tri-
bulationes, si comparentur cum iis,

quas

quas patiuntur mundani homines. Poterat certe apud Patrem istum esse vice modestæ correptionis, licet istis verbis non intentæ. Quippe habebat parentes necessitate & penuria pressos, quos P. Antonius Iulius aliquando magnâ Charitate sublevaverat. Attamen passioni Patris applicabat, proprium & opportunum, & efficax, & leniens pharmacum, si quidem satis erat videre quam esset compositus, & in suis passionibus domandis esset eruditus, ut in aliis eas moderaretur. Atque hæc sunt pauca illa indicia, quæ sunt observata, ut mortificatarum in eo passionum notitia extaret.

Verum cum sint passiones omnes, quasi impetus & operationes, quantumcumque sint refrenatae, mortificatio earum non potest tam in faciendo cognosci quam in non faciendo: in quo concordat, universale, testimonium eorum, quæ in P. Antonio Julio comperta sunt. Ipse enim noverat cum tanta solertia cohibere illos suos mottis, ut numquam percipi posset, vel minimum eorum murmur intus,

vel minimus sibilus foris. In Cholera quis illum vedit umquam , vel motibus qui imprudentibus suboriuntur, & vocantur à Theologis primo primi , utpote judicium rationis prævenientes ? Quando umquam se ostendit involutum sermonibus recreationis, cibi, & potus, commoditatis, satisfactionis non solum superfluæ, sed etiam congruæ & necessariæ ? Quibus umquam se ostendit offensum? quando verbis negantibus , tergiversatione , significatione alicujus tolerantiae perturbatum se prodidit? Quando umquam questus est de doloribus, itineribus, cubiculo, morbo , quælibet res ei sufficiebat : omne cubiculum commodum , omne edulium sapidum, omnis functio arridens , omne consortium dulce , omnis provisio abundans illi erat. Sedebat solitarius & tacebat , quia levaverat se super se. Vix audiebatur nisi in suggestu , sicut David sapientissimus in cathedra , sed extra eam in suo angulo tenuissimus ligni vermiculus. Quæ moderatio sui velle , & modestia in agendo , fecerunt

runt illum magnum & celebrem co-
ram Deo, & mundo : eoque non po-
tuit pervenire , nisi acquisitione labo-
riosa , & generosa mortificatione , ac
Dominio perfecto omnium suarum
affectionum.

C A P V T X I.

*Mortificationes corporales P. Antonii
Julii.*

VT transleamus jam à mortifica-
tione spiritus ad mortificatio-
nem corporis; magna admodum fuit
animositas, quâ usus est in tractando
corpore cum summâ austерitate; cu-
jus affatim habuit copiam in variis to-
lerantiæ occasionibus, aliis quidem
compluribus Religiosis communibus,
& usitatis; sed in illo cumulatis & ge-
minatis ob circumstantias peculiares,
per quas Christus Deus, & Dominus
noster eum dignum faciebat duplaci
honore in patiendo pro ejus amore,
Interea quo se fatigabat *in verbo & do-*
ctrina, affligebat se geminatè in labori-

R 5 bus